

FOLLETO MISA CON NENOS

17 de decembro 2023

3º ADVENTOº-B

Evanxeo de XOÁN 1, 6-8. 19-28:

"Preparade o camiño ao Señor".

Mensaxe: Xoán no deserto reclámache reformas e confesar os pecados



Jesús
te

ADVENTO

Orienta



"Preparad el camino al Señor"

1. MONICIÓN DE ENTRADA

Irmáns e irmás: O Nadal está preto, vaise notando por todas partes, nas luces de cores, a decoración das nosas casas e do noso templo parroquial. Os cristiáns vivimos este ambiente de festa acollendo ao Deus que vén a nós a orientar a nosa vida, a traernos a salvación e a esperanza. Hoxe é o domingo 3º de Advento, o domingo da ledicia porque o Señor está preto. Nós queremos ser como Xoán Bautista testemuñas alegres, testemuñas da luz e da paz.

Saúdo do Sacerdote: *O Señor, que coa súa vinda nos enche de ledicia, sexa convosco.*


(Poderíanse colocar xunto ao altar o cartel de Fano do Oeste, con algúns farois, ou candeas distintas, ou un grupo de ferramentas para destacar as reformas do corazón).

2. A COROA DE ADVENTO: Candeas 3

(O sacerdote pode comezar preguntando aos nenos se colocaron na casa a coroa de Advento, se acenderon a 2ª candeas, a da conversión e se significou algo nas súas vidas).

Monitor: Bendigamos ao Señor que nos quere unidos e alegres. Que a súa paz e a súa alegría estean con todos vós... Na terceira semana do noso camiño cara ao Nadal acenderemos tres candeas da coroa de Advento: 1º a candeas da oración, 2º a candeas da conversión, o 3º a candeas da ledicia. *(Acéndese o cirio 3º mentres se di esta oración).*

Sacerdote: *Nas tebras acendeuse unha luz, no deserto clamou unha voz. Anúnciase a boa noticia: o Señor vai chegar. Preparade os seus camiños, porque xa se achega. Adornade a vosa alma como unha noiva se engalana o día da súa*



voda. Xa chega o mensaxeiro. Xoán Bautista non é a luz, senón o que nos anuncia a luz Cando acendemos estas tres candeas cada un de nós quere ser facho teu para que brilles, chama para que quentes. Ven, Señor, salvarnos, envólvenos na túa luz, quéntanos no teu amor! Ven, Señor Xesús!

Todos: Ven, Señor Xesús!

3. SÚPLICAS DE PERDÓN

Sacerdote: *Recoñecemos humildemente os nosos pecados.*

- **Catequista:** Ti que vés para dar a boa noticia aos que sofren.

Señor, ten piedade de nós.

- **Neno/a:** Ti que vés para curar os corazóns desgarrados. **Cristo, ten piedade de nós.**

- **Pais:** Ti que vés para proclamar o ano de graza do Señor. **Señor, ten piedade de nós.**

Sacerdote: *Que Deus, noso Pai, teña misericordia de nós perdoe as nosas faltas de amor ao próximo e nos leve á vida eterna.*

4. MONICIÓN ÁS LECTURAS

As lecturas de hoxe son todas elas un canto de ledicia pola salvación que se achega. En primeiro lugar, escoitaremos ao profeta *Isaías* que nos anuncia a vinda do Mesías, que traerá a boa noticia aos que sofren e a amnistía aos cativos.

San *Paulo* convidaranos a estar ledos e agradecidos como a mellor maneira de esperar a vinda do Señor. Finalmente, no *evanxeo*, o testemuño de *Xoán o Bautista* presentaranos a xa inmediata chegada de Xesús, a Luz que vén para salvar a todos.

LECTURAS

ISAÍAS 61,1-2a.10-11: *Desbordo de gozo no Señor.*

O Espírito do Señor, Deus, está sobre min, porque o Señor me unxiu. **Envioume para dar a boa noticia aos pobres**, para curar os corazóns desgarrados, proclamar a amnistía aos cativos, e aos prisioneiros a liberdade; para proclamar un ano de graza do Señor.

Desbordo de gozo no Señor, e alégrome co meu Deus: porque me puxo un traxe de salvación, e envolveume cun manto de xustiza, como noivo que se pon a coroa, ou noiva que se adorna coas súas xoias.

Como o chan bota os seus brotes, como un xardín fai brotar as súas sementes, así o Señor fará brotar a xustiza e os himnos ante todos os pobos. *Palabra do Señor.*

SALMO 1: R/.

Alégrome co meu Deus

1ª TES. 5, 16-24: *Que o voso espírito, alma e corpo se manteña ata a vinda do Señor.*

SAN XOÁN 1, 6-8. 19-28. *No medio de vós hai un a quen non coñecedes.*

Narrador: Xurdiu un home enviado por Deus, que se chamaba Xoán: este viña como testemuña, para dar testemuño da luz, para que todos cresen por medio del. Non era el a luz, senón o que daba testemuño da luz. E este é o testemuño de Xoán, cando os xudeus enviaron desde Xerusalén sacerdotes e levitas a que lle preguntasen:

Sacerdotes: -«*Ti quen es?*».

Narrador: El confesou e non negou; confesou:

Xoán Bautista: -«*Eu non son o Mesías.*».

Narrador: Preguntáronlle:

Sacerdotes: -«*Entón, que? Es ti Elías?*».

Narrador: El dixo:

Xoán Bautista: -«*Non o son.*».

Sacerdotes: -«*Es ti o Profeta?*».

Narrador: Respondeu:

Xoán Bautista: -«*Non.*».

Narrador: E dixéronlle:

Sacerdotes: -«*Quen es, para que podamos dar unha resposta aos que nos enviaron? Que dis de ti mesmo?*».

Narrador: El contestou:

Xoán Bautista: - «*Eu son a voz que grita no deserto: “Achandade o camiño do Señor”, como dixo o profeta Isaías.*».

Narrador: Entre os enviados había fariseos e preguntáronlle:

Sacerdotes: -«*Entón, por que bautizas se ti non es o Mesías, nin Elías, nin o Profeta?*».

Narrador: Xoán respondeulles:

Xoán Bautista: -«*Eu bautizo con auga; no medio de vós hai un que non coñecedes, o que vén detrás de min, e ao que non son digno de desatar a correa da sandalia.*».

Narrador: Isto pasaba en Betania, na outra beira do Xordán, onde Xoán estaba a bautizar

Palabra do Señor.

(Narrador-Sacerdotes-Xoán Bautista)

5. ORACIÓN DOS FIEIS

Sacerdote: A Xesús, luz e alegría da humanidade dicímoslle:

Ven dáanos a túa ledicia, Señor.

1. Queremos que a Igrexa sexa sinxela, humilde, acolledora, como Xesús. **Oremos.**

2. Queremos acollerte na Palabra de Deus, na eucaristía de cada domingo. **Oremos.**

3. Queremos verte e servirte nos máis necesitados. **Oremos.**

4. Queremos preparar a túa vinda coa conversión, cambiando e renovando a nosa vida. **Oremos.**

5. Queremos quitar as pedras de egoísmo poñendo a Xesús e o seu amor en nós. **Oremos.**

6. Queremos achegarnos a ti na confesión, limpar o noso corazón, deixarche nacer nel. **Oremos.**

7. Queremos ter sempre motivos para estar alegres e así ser luz do mundo. **Oremos.**

8. Queremos parecernos a María, a ditosa por crer, a mensaxeira de Deus. **Oremos.**

Sacerdote: en Señor, ti que traes a paz e a alegría ao mundo.

Ven salvarnos, ti que vives e reinas polos séculos dos séculos.

6. PROCESIÓN DE OFRENDAS



CARAS DE ALEGRÍA (uns nenos cunha careta de rostro riseiro achéganse ao altar):

Estamos a prepararnos para o Nadal, pero xa sentimos a alegría profunda de que Xesús vai chegar axiña. Por iso comprometémonos a regalar alegría na nosa familia e ao noso arredor.

-UN ALTOFALANTE:

Como Xoán Bautista imos ser altofalantes ou portavoces de Xesús, falando del aos nosos amigos para que sexan máis os que o esperan e acollen neste Nadal.

-PAN E VIÑO:

Neste domingo da ledicia porque ti vas nacer entre nós presentámosche o pan e o viño, eles son a nosa verdadeira ledicia porque xa hoxe te vas facer neles presente entre nós.

7.- ORACIÓN DE GRAZAS

Dáme o don da alegría

Dáme, Señor, o don da alegría,
que canta sen reservas a beleza do mundo,
a grandeza do home, a bondade do seu Deus.

Dáme, Señor, o don da alegría,
que me faga sempre nova, aínda que os anos pasen;
a alegría que enche de luz o corazón.

Dáme, Señor, o don da alegría,
que colma de sorrisos, de abrazos e de bicos
o encontro de amigos, a vida e o amor.

Dáme, Señor, o don da alegría,
que me una contigo, o Deus sempre presente,
en quen todo converxe e en quen todo se inspira.

Dáme, Señor, o don da alegría,
que alenta o corazón e móstranos un futuro
cheo de bendicións, a pesar da dor.
Ven, Señor, e asoláganos coa alegría da túa
chegada.

**FELIZ DOMINGO,
DÍA do SEÑOR- GAUDETE**